



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XXXII. Abrogatio Discretorum in Provinciis Bœticæ, & Navarræ Fratr.
Capuccinorum.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

XXXI.

Extenditur Indultum Clem. X. conferendi nonnullos gradus in Collegiis Societatis Jesu Civitatum S. Fidei, & Quiten. in Indiis Occident. ad alios gradus, & in perpetuum.

Clemen. X. Constitur. edit. fuit 1675. April. 17. Et hujus Pontificis Constit. edit. 1693. Septemb. 28. Pont. 3. declaratum, & ampliatum præd. Indultum.

Dat. 1. Sept. 1693. An. 3.

INNOCENTIUS PAPA XII.

Ad futuram rei memoriam.

Refertur Indultum Clementis X. pro gradibus Philosophiæ, & Theologiæ ad decennium concessum.

Alias fel. rec. Clementi PP. X. prædecessori nostro pro parte tunc in humanis agentis Alphonsi de Alarion Presbyteri Regularis Societatis Jesu, ac Procuratoris Provinciarum Hispaniæ, & Indiarum Occidentalium dictæ Societatis exposito quod cum Metropolitanæ Sanctæ Fidei, & Cathedralis Quiten. Ecclesiæ in partibus Indiarum consistentes duo Seminaria juxta formam, & dispositionem Decretorum Concilii Tridentini in Civitatibus Sanctæ Fidei, & Quiten. respective erexissent, in quibus quam plurimi adolescentes sub cura, & Gubernio Clericorum Regularium Societatis præfate educabantur, ac Linguae Latinæ, Philosophiæ, & Sacræ Theologiæ studiis in Collegiis Societatis, & Civitatum hujusmodi operam navabant, eosque in virtute, & doctrina progressus faciebant, & animarum saluti, & Conversioni Gentilium (quorum in illis Regionibus Messis multa, Operarii vero pauci) fructuose incumbere valerent, propinquier vero, nempe Limana studii Generalis Universitas a Sanctæ Fidei mille quingentis, & a Quiten. Civitatibus præfatis nonagennis miliaribus respective distabat, ac proinde Alumni Seminariorum præfatorum ad eandem Universitatem Limanam, propter locorum distantiam, viarumque incommoda, ac eorum paupertatem accedere nequibant, ut ibidem gradus Academicos consequerentur, unde flos juventutis earundem Regionum ejusmodi honore privatus remanebat, non sine Ecclesiæ, atque Reipublicæ detrimento. Ideoque ipse Alphonsus plurimum cupiebat eisdem Alumnis indulgeri ut absolutis studiis, & prævio riguroso examine, Baccalaureatus, Magisterii, & doctoratus in Philosophiâ gradus a Rectoribus, Præfectis, & Magistris prædictorum Collegiorum suscipere valerent, quemadmodum rec. mem. Gregorius PP. XIII. etiam Prædecessor noster Alumnis Seminarium Romani per quasdam suas literas concessisse reperiebatur. Idem Clemens prædecessor supplicationibus dicti Alphonsi nomine sibi super hoc humiliter porrectis inclinatus per quasdam suas in simili forma Brevis die 17. Aprilis 1675. expeditas literas præfatis Alumnis Seminariorum Sanctæ Fidei, & Quiten. Civitatum hujusmodi, ut peractis studiis, prævioque riguroso examine, Ba calaureatus, ac Magisterii, & doctoratus in Philosophiâ, & Sacra Theologia hujusmodi gradus in Collegiis prædictis ab illorum respective Rectoribus, Præfectis, & Magistris suscipere, ipsique Rectores, Præfecti, & Magistri eosdem gradus dictis Alumnis, servata tamen cæteroquin memoratarum Gregorii prædecessoris literarum forma, & dispositione conferre libere, licite, & valide possent, & valeret respective ad decennium a die præsentationis earundem Clementis prædecessoris literarum computandum auctoritate Apostolica concessit, & indulgit, & alias prout in ipsis literis, quarum tenorem præsentibus pro plene, & sufficienter

expresso, & inserto haberi volumus, uberius continetur.

§. 1. Cum autem sicut dilecti filii Rectores, & Præfecti studiorum Sanctæ Fidei, & Quiten. Collegiorum præfatorum, Nobis nuper exponi fecerunt in eisdem Collegiis non solum Artium, sive Philosophiæ, & Sacræ Theologiæ, sed etiam Decretorum, sive Sacrorum Canonum lectiones habeantur, & ad animarum salutem, Ecclesiæque utilitatem plurimum expedit Alumnos prædictos gradibus Academicis, etiam in Decretis, sive Sacris Canonibus hujusmodi post peracta studiorum curricula, decorari. Nobis propterea dicti Exponentes humiliter supplicari fecerunt, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsorum Exponentium votis hac in re quantum cum Domino possumus, favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabil. Fratrum nostrorum S. R. E. Cardinalium Concilii Tridentini Interpretum, Consilio, veris existentibus narratis, indultum a memorato Clemente prædecessore ad artes, & Sacram Theologiam restrictum, ac ad decennium tantum concessum, ut præfertur, generaliter, & indistincte absque ulla temporis præfinitione ad omnes scientias, quæ in Collegiis prædictis edocentur, auctoritate prædicta tenore præsentium ampliamus, salva tamen semper in præmissis auctoritate Congregationis eorundem Cardinalium.

§. 3. Decernentes easdem præfatas literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari: Sicque in præmissis per quoscunque Judices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quæ prædictis Clementis prædecessoris literis concessa sunt non obstare, cæterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio, quam extra illud habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die 1. Septemb. MDCXCIII. Pontificatus nostri Anno Tertio.

Declaratur & ampliat Constitutio abrogationis Discretorum ad Provincias Bæticæ, & Navarræ FF. Capuccinorum, cum nonnullis Ordinationibus.

Laudata Constitutio edita fuit 1693. Mart. 29. Pont. 2. Et Const. edit. 1694. April. 5. Pont. 3. amplatur ad alias Provincias.

Præces Superiorum Collegiorum.

Extensio Indulti ad omnes gradus scientiarum, & in perpetuum.

Clausula.

XXXII.

Dat. 12. Sept.
1693. An. 3.

INNOCENTIUS PAPA XII.

Ad futuram rei memoriam.

Alias emanarunt a Nobis ad supplicationem Charissimi in Christo filii Nostri Caroli Hispaniarum Regis Catholici Literæ in simili forma Brevis tenoris, qui sequitur, videlicet. Innocentius Papa XII. ad perpetuam rei memoriam. Nuper pro (reliqua vide suo loco) Datum Romæ apud S. Mariam Majorem sub Annulo Pisc. die XXIX. Martii MDCXCIII. Pontificatus nostri Anno Secundo.

Constitutio
laudata.

Preces Re-
gis Catholici
pro d. declar-
atione, &
ampliatione.

§. 1. Cum autem sicut pro parte ejusdem Caroli Regis per prædictum Ducem denuo Nobis nuper expositum fuit in præsertis Nostri literis trium Provinciarum Regnorum utriusque Castellæ dicti Ordinis, nempe Castellæ veteris, & Novæ nuncupatæ, nec non Bæticæ, & Navarræ Provinciarum distincta, & expressa mentio facta non fuerit, quinimo nec in eisdem literis provisum fuerit, quod loco supradictorum Decretorum Conventualium, sicut præmittitur, sublatorum, & remotorum pro tempore existentes earundem Provinciarum Diffinitores, & Custodes, necnon is saltem, qui novissime in illis Provincialatus Officio respectivo functus fuerit, in earum Diffinitoriis, & Capitulis Provincialibus votum, seu suffragium respectivo habere debeant quemadmodum ipse Carolus Rex pro peculiari suo in Ordinem prædictum devotionis affectu, commune ipsarum Provinciarum bonum promovendi studio ductus, Nobis supplicari fecerat; ac proinde opportune in præmissis a Nobis provideri, nec non præterea, quod in Provinciis prædictis Capitula Provincialia de sesquianno in sesquiannum celebrari debeant, quemadmodum felic. record. Clemens Papa X. prædecessor Noster pro omnibus ejusdem Ordinis Provinciis per quasdam suas itidem in forma Brevis anno 1676. desuper expeditas literas præscripsisse dicitur decerni, & ordinari plurimum desideret: Nos pio ac laudabili dicti Caroli desiderio hac in re, quantum cum Domino possumus, favorabiliter annuere volentes supplicationibus ejusdem Caroli Regis nomine Nobis per prædictum Ducem super hoc humiliter porrectis inclinati, de memoratorum Congregationis Cardinalium consilio autoritate Apostolica tenore præsentium declaramus, remotionem, & abolitionem Discretorum Conventualium in Provinciis utriusque Castellæ Fratrum Ordinis Minorum ejusdem Sancti Francisci Capucino-rum factas, ut præfertur, expeditaque desuper literas Nostros præinsertas, intelligendas esse, non solum respectu Provincie utriusque Castellæ, Veteris scilicet, & Novæ, verum etiam respectu Provinciarum Bæticæ vulgo *Andalusie* nec non Navarræ; & quatenus opus sit, remotionem, abolitionem, & Nostros literas hujusmodi ad supradictas Provincias Bæticæ, & Navarræ autoritate, & tenore præfatis extendimus, & ampliamus. Præterea eadem autoritate harum serie decernimus, quod vice, & loco prædictorum Discretorum in tribus Provinciis hujusmodi, sicut præmittitur sublatorum, & abolorum, Diffinitores, atque Custodes, & immediatus Exprovincialis earundem Provinciarum in ipsarum respective Diffinitoriis, & Capitulis votum habeant, dictarumque Provinciarum Capitulo de sesquianno in sesquiannum deinceps celebrari debeant.

Declaratio
& ampliatio
Constitutio-
nis ad præd.
Provinciarum
Discretos,
quorum loco
alii Superio-
res votum ha-
beant in Ca-
pitulis, quæ
celebrari de-
beant singulis
sesquiannis.

Clausula.

§. 2. Decernentes pariter easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus & per omnia plenissime suffragari, & ab eis respectivo in-

violabiliter observari: sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Quocirca Venerabili Fratri Friderico Archiepiscopo Mediolanen. moderno, & pro tempore existenti Nostro, & Apostolicæ Sedis in Regnis Hispaniarum Nuncio per præsentem committimus, & mandamus, quatenus ipse per se, vel alium, seu alios ipsas præsentis literas, & in eis contenta quæcumque ubi, & quando opus fuerit, & quoties pro parte interesse in præmissis habentium, seu alicujus eorum desuper fuerit requisitus solemniter publicans, illisque in præmissis efficacis defensionis præsidio assistens, faciat autoritate Nostra illos, & eorum quemlibet præsentium literarum, & in eis contentorum eorumdem commodo, & effectu pacifice frui, & gaudere, non permittens illos desuper a quoquam quavis auctoritate quomodolibet indebite molestari, perturbari, vel inquietari, Contradictores quoslibet, & Rebelles per sententias, & censuras, & pœnas Ecclesiasticas, aliaque opportuna Juris, & facti remedia, appellatione postposita, compescendi, legitimisque super his habendis servatis processibus, censuras, pœnas ipsas etiam reiteratis vicibus aggravando, invocato etiam ad hoc, si opus fuerit, auxilio Brachii secularis.

§. 4. Non obstantibus rec. mem. Bonifacii Papæ VIII. prædecessoris pariter Nostri de una, & Concilii Generalis de duabus dietis, dummodo ultra tres dienas aliquis auctoritate præsentium in Judicium non trahatur, aliisque Constitutionibus, & Ordinationibus Apostolicis, ac Provinciarum, & Ordinis hujusmodi, aliisque quibuslibet, etiam juramento, confirmatione Apostolica, vel quavis firmitate alia roboratis statutis, & consuetudinibus; nec non omnibus, & singulis illis, quæ in literis præsertis concessimus non obtare, caterisque contrariis quibuscumque.

§. 5. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Mariam Majorem sub Annulo Pisc. die XII. Sept. MDCXCIII. Pontif. nostri Anno Tertio.

Confirmatur Decretum Universitatis Tonforum de Urbe contra venditores suarum Tonstrinarum.

XXXIII.

A Clem. XI. Const. edit. 1712. Maii 12. Pont. 12. confirmantur statuta hujus Universitatis.

INNOCENTIUS PAPA XII.

Ad futuram rei memoriam.

EXponi nuper fecerunt dilecti Filii Consules, & Universitas Barbitonorum Almæ Urbis Nostre, quod cum, non sine gravi eorum artis detrimento sæpe contingat a nonnullis Barbitonforibus sub prætextu, quod dictam Artem relinquere & sive in Patriam redire, sive Principum, vel aliorum Primariorum Virorum servitiis sese addicere velint, suas Tonstrinas, prout est adventorum ad eas frequens numerus, quanti plurimi vendi; postea vero in fraudem Emp-torum novas Tabernas Tonforias, aliquando qui-

Dat. 25. Sept.
1693. An. 3.

Causa De-
creti.